

寶刻叢編
四



寶刻叢編

(四)

陳思纂次

寶刻叢編卷第十一

陝西秦鳳路

鳳翔府

秦州

涇州

熙州

隴州

成州

渭州

階州

河州

蘭州

河東路

太原府

潞州

晉州

絳州

汾州

澤州

嵐州

河東路化外州

蔚州

朔州

此卷全
缺

寶刻叢編卷第十二

淮南東路

揚州

亳州

宿州

楚州

以上四州缺

海州注缺

漢東海廟碑

碑靈帝熹平元年立在海州永壽元年東海相南陽君崇飾殿宇其椽屬何俊左榮欲爲鑄石而南陽君止之厥後山陽滿君爲作碑頌別有數句載秦東門事乃頌所謂倚傾之闕者碑錄胸山有秦始皇碑云漢東海相任恭修祠刻於碑陰似是此也任君當又在滿君之後南陽之役更十八年後人猶頌其美則規模決非苟然者予官京口日將士往來胸山者云海廟一椽不存自今非四十年前舊物不復見此刻矣歐陽公時天下一家漢碑雖在遐陬窮谷無脛而可至集古錄中已屢言難得爲可寶況今乎

錄釋

唐大雲寺碑

唐海州刺史李邕撰并書寺舊謂之確師禪房僧慧藏增葺之碑以開元十二年四月立目集古錄

初武后時有僧上大雲經陳述符命遂令天下立大雲寺至開元二十六年詔改爲開元寺此碑十

一年建故猶稱大雲也金石錄

唐孔子老子顏子贊

唐睿宗撰李邕行書開元十一年十二月立金石錄

泗州

滁州

真州

淮南西路

壽春府

廬州

蘄州

和州

舒州


濠州

光州

黃州

無爲軍

以上十二
州軍缺



寶刻叢編卷第十三

兩浙東路

越州

大都督。紹興府。春秋爲越國之都。秦屬會稽郡。漢因之。東漢置會稽郡。乃自吳縣徙治山陰。晉宋齊梁陳皆因之。宋兼置東揚州。梁復置東揚州。隋平陳。郡廢。改州曰吳州。大業初。置越州。尋廢。置會稽郡。唐爲越州。天寶元年曰會稽郡。陞爲鎮。東軍。皇朝因之。統縣八。餘姚。會稽。山陰。剡縣。諸暨。上虞。蕭山。新昌。

秦會稽山刻石

史記秦始皇本紀云。上會稽。祭大禹。望于南海。而立石刻頌秦德。越絕書云。始皇以三十七年東遊會稽。以正月甲戌到越。留舍都亭。取錢塘浙江岑石。石長丈四尺。南北面廣六尺。西面廣尺六寸。刻文立于越東山上。其道九曲。去越二十一里。水經云。秦始皇登稽山。刻石紀功。尚在山側。孫暢之述征記云。丞相李斯所篆也。梁書。竟陵王子良爲會稽太守。范雲爲主簿。雲以山上有始皇刻石。三句一韻。多作兩句讀之。並不得韻。又其字皆大篆。人多不詳。雲夜取史記讀之。明日登山。讀之如流。張守節云。會稽山刻。李斯書。其字四寸。畫如小指圓鑄。今文字整頓。是小篆字。予嘗上會稽東山。自秦望之山巔。並黃茅無樹木。其上側有三石筍。中有水一泓。別無他石。石筍並無字。復自小逕別至一山。俗名鵝鼻山。山頂有石如屋大。中閒插一碑于其中。文皆爲風雨所剝。隱約就碑。可見缺畫。如禹

廟沒字碑之類。不知此果岑石歟。非始皇之力不能插于石中。此山絕險。罕有至者。得一採藥者引之至耳。非爲碑也。或云大篆。或云小篆。皆不可考。姚寬叢語。

禹廟窆石銘

漢窆石銘。永建元年五月。金石錄。

禹廟窆石遺字。直寶文閣王順伯復齋金石錄定爲漢刻。舊經云。禹葬于會稽。取此石爲窆。會稽志。

漢曹娥孝女碑

漢度尚所立。邯鄲淳文。諸道石刻錄。

在會稽縣東南七十二里。按後漢書云。元嘉元年。縣長度尚改葬娥爲立碑。會稽典錄云。尚弟子邯鄲淳。字子禮。時甫弱冠。而有異才。尚先使魏朗作曹娥碑文成。未出。會朗見尚。尚與之飲宴。而子禮方下督酒。尚問朗碑文成。朗辭不才。因試使子禮爲之。操筆而成。無所點定。朗嗟嘆不暇。遂毀其草。其後蔡邕又題八字曰。黃絹幼婦。外孫齋白。其碑歲久。字多訛缺。至景德中重立。會稽志。

漢石經遺字

在州治蓬萊閣。諸道石刻錄。

晉黃庭經

凡三本。無書人名氏。前二本大約相類。題云永和十二年。山陰縣寫。石在越州。後一本其後不完。不知石所在。集古錄。

齊桐柏山金庭館碑

南齊征虜將軍南清太守司徒左長史揚州錄事沈約造。揚州刺史驃騎記室倪珪之書。據記稱永泰中定居桐柏嶺。因地名建館曰金庭宮。命置道士十人而已爲之首。蓋道士自敍之言。非約所撰。其謂之造者。疑如後世所立碑之類爾。碑以永元三年立。目集古錄在剡縣東南七十二里本觀內。齊永元三年正月七日立。訪碑錄

隋禹廟碑

隋史陵正書。大業二年五月立。其文字磨滅十五六。而其末隱隱可辨云。會稽郡缺一史陵書。筆法精妙。不減歐虞。按張懷瓘書斷云。褚遂良嘗師史陵。蓋當時名筆也。今此碑磨滅而僅存。世之藏書者。皆未嘗有。非余收錄之富。則遂不復見于世矣。金石錄

唐虞世南碑

貞觀二年閏二月五日立。在會稽縣南二十里。訪碑錄

唐龍泉寺碑

唐虞世南撰。布衣董彝重書。沙門好直篆額。大周天授二年立。大和六年再建。在餘姚。諸道石刻錄

周密州司馬康遂誠墓誌

行書。不著書撰人名氏。君諱遂誠。字筠。會稽山陰人。仕至密州司馬。長壽二年四月二十日卒。以三年正月二十四日。與夫人柳氏同歸窆于籬渚山之舊塋。新增

唐賀知章二告

一延和元年八月

一開元四年八月政和辛卯摹勒上石復齋碑錄

唐龍瑞宮記

唐賀知章撰并正書開元二年立諸道石刻錄

唐高行先生徐師道碣

唐姚奕撰序賀知章銘子嶠之書開元十一年四月立金石錄

唐香嚴寺碑

唐銀青光祿大夫康希銑撰趙州刺史東海徐嶠之書香嚴寺者本梁賈思舊宅其妻捨充梵宇舊名同惠神龍中請而署焉碑以開元十一年六月立新増

唐秦望山法華寺碑

唐李邕撰并行書開元二十二年十二月金石錄

唐康公夫人許氏墓誌

唐王壽撰褚庭誨正書天寶五載五月二十五日立復齋碑錄

唐宇文顗山陰述

唐竇公衡撰杜陵史懷則分書并篆額天寶十三載甲午夏四月立在山陰復齋碑錄

懷則與惟則同時。必其兄弟也。惟則以八分著名。懷則之書。蓋不減惟則。而初不見稱于當時者。豈非其位不顯乎。以此知士負其藝能。或以垂名于不朽。或遂湮沒而無聞者。蓋亦有幸不幸也。若懷則之書。非見錄于余。則遂泯沒于後矣。金石錄。

唐法華寺玄儼律師碑

唐前祕書省正字萬齊融撰。武部郎中徐浩書。律師姓徐氏。諸暨人。居越州法華寺。碑以天寶十五

年六月立。集古錄目。

唐休光寺法眞師行業贊

唐王燧撰。洪元容集王羲之行書。天寶十五年立。在餘姚。諸道石刻錄。

唐龍泉寺常住田碑

唐萬齊融撰。范的書。諸道石刻錄。

唐徐浩先瑩題記

唐徐浩正書。大曆九年十月。金石錄。

唐題寶林寺詩

唐會稽公徐浩撰。并書。集古錄目。

唐謁禹廟詩

唐徐浩撰。并書。訪碑錄。

唐台州刺史康希銳碑

唐顏真卿撰并書大曆十二年立在離渚官遣匠摹本爲村民擊碎諸道石刻錄

唐南鎮會稽山神永興公祠堂碣

唐試左威衛兵曹參軍羊士諤撰試太子正字韓杼材書韓芳明篆額唐封會稽山神爲永興公貞元年奉詔禱祠作此銘無刻石年月

唐嘉祥寺大覺禪師影堂記

唐崔元翰撰羊士諤書貞元九年諸道石刻錄

唐復禹廟冠冕記

唐崔及撰馬積正書元和三年十月立在城東禹廟內諸道石刻錄

唐禹廟詩

唐浙東觀察使越州刺史薛苹詩不著書人名氏苹初至鎮易禹廟金紫服以冠冕後因祈雨作此詩其和者鹽鐵轉運崔述等凡十七首集古錄

唐杭州司士盧君第二女墓表

唐林賈詞元和六年秋八月庚寅立復齋碑錄

唐建南鎮碣記

唐孟簡撰陳構正書元和十年十月金石錄

唐孔子弟子贊

唐明皇源乾曜、盧從愿、李杭、元行沖、張嘉貞、宋璟、陸餘慶、姚元崇、蘇頌、裴灌撰。正書。無名氏篆額。元和十年十二月刺史孟簡立。在州學。復齋碑錄。

唐庾肩吾孟簡經禹廟詩

唐庾肩吾孟簡撰。謝楚行書。元和十一年八月。復齋碑錄。

唐禹穴碑

唐鄭魴序。元積銘。韓杼材行書。寶曆二年九月立。金石錄。

唐春分投簡陽明洞天并繼作

唐元威明白居易撰。王璿分書。劉蔚篆額。大和三年正月十五日立。在龍瑞宮。復齋碑錄。

唐杜義墓誌

沙門缺義述。大和三年四月二十四日葬。復齋碑錄。

唐寧貢禪師塔銘

唐沈約撰。并行書。沙門潭鏡八分書額。大和五年九月建。在山陰縣界昭福寺。復齋碑錄。

唐大龍興寺惠崇大師碑

釋好直述。門人宗易行書。大和五年十月十五日建。在餘姚。復齋碑錄。

唐法華寺詩

唐越州刺史李紳撰徐浩書大和八年刻集古錄

唐李紳撰後自序題云大和甲寅歲遊寺刻詩于壁詳自序所言似紳自書然以端州題名較之字體殊不類集古錄

唐修龍宮寺碑

唐李紳撰行書無姓名大和九年四月立金石錄

唐王士倫墓誌

大和九年終于暨陽諸道石刻錄

唐修阿羅漢塔記

沙門知白述王辭正書開成二年九月八日立在餘姚復齋碑錄

唐越州都督府戶曹參軍齊君墓誌

樂安蔣璟撰無書人姓名開成三年正月終四月窆于會稽玉笥山之南原復齋碑錄

唐開元觀夏尊師墓誌

唐何得一述正書無姓名會昌元年二月十九日卜宮于陶朱峰在諸暨復齋碑錄

唐尊勝經幢

唐奚獎行書會昌元年六月復齋碑錄

唐五大夫市新橋記

唐周援書會昌三年月屬無射二十有九日建在會稽虞江之東

唐賜李襲改大中禹迹寺勅

大中年刻復齋碑錄

唐戒珠寺記

唐衢州刺史趙璘撰貝靈該八分寺以會昌中被廢宣宗初復立碑以咸通元年正月立集古錄目

唐大慶寺衆尼粥田記

唐裴淡述王隨正書并額咸通三年十月二十七日立

唐李察微墓誌

咸通三年八月窆于陶朱鄉赤山之岡諸道石刻錄

唐瑯琊王子琚墓誌

唐李修撰陳邠行書咸通三年十一月二十日在上虞復齋碑錄

唐彭城劉府君墓誌

唐楊珪撰咸通十年在諸暨

唐大慶寺復寺記

唐貝靈該八分書并篆額咸通十一年二月二十日立復齋碑錄

唐魏綰府君墓誌